

优雅古诗六字诗句

1.
水落溪流浅浅，寺秋山霭苍苍。树色尤含残雨，钟声远带斜阳。——张仲素《山寺秋斋》
2.
生涯一九节筇，老境五十六翁。不堪上补黼黻，但可归教儿童。——黄庭坚《次韵石七三六言七首》
3.
老去转无饱计，醉来暂豁忧端。双鬓多年作雪，寸心至死如丹。——陆游《感事六言》
4.
螺甲割昆仑耳，香材屑鹧鸪斑。欲雨鸣鸠日永，下帷睡鸭春闲。——黄庭坚《有惠江南帐中香者戏答六言二首》
5.
宿露卷青步障，晨曦涌紫金轮。时平有戴白老，春晴宜踏青人。——刘克庄《春日六言十二首》
6.
门对鹤溪流水，云连雁宕仙家。谁解幽人幽意，惯看山鸟山花。——李白《春景》
7.
石渠何须反顾，水驿幸足相容。长江大欲见底，探支八月凉风。——苏轼《和何长官六言次韵五首》

8.
豪士以妾换马，耕农卖剑买牛。我看浮名似梦，却贪山水闲游。——陆游《六言》

9.
平陆莽为巨浸，晴空变作漏天。明朝是小暑节，重霉必大有年。——刘克庄《久雨六言四首》

10.
烟雨湖光软漾，空濛山色生奇。忆自段家桥水，流连不觉遄飞。——韦应物《烟雨》

11.
万里草荒先垄，六年虫蠹群经。老喜宽恩放去，心似惊波不停。——黄庭坚《次韵石七三六言七首》

12.
不惜人扶难拜，非关我醉欲眠。劳君敬枯木耳，恐汝见湿灰焉。——范成大《题请息斋六言》

13.
五噫已出东洛，三复愿比南容。学道未逢潘盎，草书犹似杨风。——苏轼《和何长官六言次韵五首》

14.
觅句真成小技，知音定须绝弦。景公有马千驷，伯夷垂名万年。——黄庭坚《荆南签判向和卿用予六言见惠次韵奉酬四首》

15.
满帽秋风入剡，半帆寒日游吴。问子行装何在，带间笑指葫芦。——陆游《六言》

16.
佳句近参风雅，微词间发离骚。窃欲比君庾信，莫年诗赋尤高。——苏轼

辙《答文与可以六言诗相示因道济南事作十首》

17.

家住白云山北，路迷碧水桥东。短发潇潇暮雨，长襟落落秋风。——杜牧《山行》

18.

种竹可侔千户，拥书不假百城。何必思之烂熟，热官无用分明。——陈与义《六言二首》

19.

青山自是绝色，无人谁与为容。说向市朝公子，何殊马耳东风。——苏轼《和何长官六言次韵五首》

20.

野步西湖绿縠，晴登北渚烟绵。蒲莲自可供腹，鱼蟹何尝要钱。——苏轼《答文与可以六言诗相示因道济南事作十首》

21.

老忆夷门老将，当年许我忘年。博学似刘子政，清诗如孟浩然。——黄庭坚《和东坡送仲天贶王元直六言韵五首》

22.

扬子津头月下，临都驿里灯前。昨日老于前日，去年春似今年。谢守归为秘监，冯公老作郎官。前事不须问著，新诗且更吟看。——白居易《临都驿答梦得六言二首》

23.

税驾今吾将老，结庐此地不喧。恐妨蝴蝶同梦，笑傅颠当守门。——范成大《题请息斋六言》

24.

已嗟别离太远，更被光阴苦催。吴苑燕辞人去，汾川雁带书来。愁吟月落犹望，忆梦天明未回。今日便令歌者，唱兄诗送一杯。——刘禹锡《

酬令狐相公六言见寄》

25.

有饭那思肉味，安居敢厌茅茨。未论颜渊陋巷，老农自是吾师。——陆游《感事六言》

26.

欲行水遶山围，但闻鲲化鹏飞。女忧鬓发尽白，兄叹江船未归。——黄庭坚《次韵石七三六言七首》

27.

冷暖旧雨今雨，是非一波万波。壁下禅枯达磨，室中病著维摩。——范成大《题请息斋六言》

28.

郭李分争为非。迁都长安思归。瞻望关东可哀。梦想曹公归来。——孔融《六言诗》

29.

爱马能成一癖，结髦可忘百忧。我亦时时自笑，开编万事俱休。——陆游《六言》

30.

未央宫里红杏，羯鼓三声打开。大庾岭头梅萼，管城呼上屏来。——陈与义《又六言》

31.

冻笔新诗懒写，寒炉美酒时温。醉看墨花月白，恍疑雪落前村。——李白《冬景》

32.

李白嶽崎历落，嵇康潦倒粗疏。生世当行所乐，巢山喜遂吾初。——陆游《感事六言》

33.

风暖江鸿海燕，雨晴檐鹊林鸠。一段青山颜色，不随江水俱流。——文天祥《山中六言三首》

34.

风细飞花相逐，林深啼鸟移时。客至旋开新茗，僧归未拾残棋。——陆游《六言》

35.

山下孤烟远村，天边独树高原。一瓢颜回陋巷，五柳先生对门。——王维《幽居》

36.

三巴亦有何好？万里翩然独寻。本意为君说破，消磨梦境光阴。——陆游《六言》

37.

桃红复含宿雨，柳绿更带春烟。花落家童未扫，莺啼山客犹眠。——王维《春眠》

38.

从来不似一物，妄欲贯穿九流。骨硬非黄閤相，眼青见白蘋洲。——黄庭坚《次韵石七三六言七首》

39.

香烟触帘不散，灯焰无风自摇。独倚蒲团寂寂，忽闻山雨萧萧。——陆游《六言》

40.

莫赋涧松郁郁，但吟陂麦青青。为妇读刘伶传，教儿书甯戚经。——陈与义《六言二首》

41.

心事数径白发，生涯一片青山。空山有雪相待，野路无人自还。——李

煜《开元乐》

42.

插秧已盖田面，疏苗犹逗水光。白鸥飞处极浦，黄犊归时夕阳。——杨万里《农家六言》

43.

园丁以时白事，山客终日相陪。竹比平安报到，花依次第折来。——范成大《题请息斋六言》

本文链接：<https://duanjuziku.com/duanjuzi/xc8wa6duyl.html>